

SCRIPT OF MORNING GOJRI NEWS BULLETIN 3SEP 2026
1015HRS

مارننگ گوجری نیوز بولٹن 3 ستمبر 2026

یوہ آکاشوانی جموں ہے باغ علی طاہر تیں خبر سُنو۔

CM APPOINTMENT LETTERS

وزیر اعلیٰ عمر عبداللہ نے کل ایس کے آئی، سی سی سرینگر مانہہ صحت تے طبی تعلیم محکمہ مانہہ نواں تعینات کیا گیا میڈیکل، افسراں مانہہ حکم ناما تقسیم کیا۔ نواں مقرر کیا گیا میڈیکل افسراں مانہہ ذاتی طور ور حکم نامہ تقسیم کیا۔ وزیر اعلیٰ نے اُن نانہہ جموں کشمیر سرکار مانہہ ہوئی تقریریاں نانہہ زندگی غا اک نواں دور غی شروعات غا طور ور قدر کرتا واں لوکاں غی خدمت واسطے اپنا آپ نانہہ وقف کریں۔ اس موقع ور موجود اجتماع سنگ خطاب کرتا واں وزیر اعلیٰ غو کہنو تھو جے میڈیکل افسراں غا تقریریاں غا خط اُن غی تے اُن گا خانداناں غی کئی سالان غی محنت ، صبر تے قربانیاں غو نتیجہ ہے۔

SAMBA BATTAL ROAD

سامبی ہٹل سڑک غی مرمت غی خاطر تاواں ہی 36 کروڑ 84 لکھ روپیاں غی رقم مہیا کرائی جائیگی مرکزی وزیر ڈاکٹر جتندر سنگھ نے اس بارے اپنا ایکس اکاونٹ ور تفصیل سانجی کرتاں واں دسیو ہے جے علاقہ گا بسنیکاں نانہہ یوہ یقین دوايو گیو ہے جے سڑک غی مرمت تے بحالی تے اس خاطر ضروری رقم غی منظوری بارے معاملان نانہہ تاواں ہی نمیز ليو جے غو۔ انہاں نے اس ور خوشی ظاہر کی ہے جے، بی آر او غی طرفوں 38 کروڑ 84 لکھ روپیاں غی رقم ، سامبہ ہٹل سڑک غی بحالی غا کم واسطے جاری کی جے غی۔ یاہ رقم اک ہفتہ غے اندر اندر جاری کردتی جے غی تے سڑک غی مرمت غو کم تاواں ہی شروع کردتو جائیگو۔

CS INFRA DEVP PROGS

چیف سیکرٹری اٹل ڈلو نے کل جموں کشمیر ترقیاتی ٹانچہ تے رابطاں نانہہ ترقی دین غا پروگرام غی پیش رفت غو جائیزو لیواں ترقیاتی پروگراماں مانہہ یو ٹی مانہہ جاری قومی شاہراں ٹنلاں فلائی اوور پُلاں رنگ روڈز تے دوجا ایسا پروجیکٹ شامل ہیں ۔ انفرادی شاہراں تے ٹنل پروجیکٹاں غا کماں غی پیش رفت تے مکمل کیا جان غی تاریخاں غی جانکاری حاصل کی ۔ ان رابطا پروجیکٹاں غی وجہ نال آن آلی تبدیلیاں غی اہمیت ور زور دیتا واں انہاں نے ڈویژن تے ضلع انتظامیاں نانہہ ان پروجیکٹاں غی تعمیر مانہہ شامل ایجنسیاں سنگ نزدیکی نال رابطا رکھن غی ہدایت کی ہے تانجے پروجیکٹاں گا رستہ مانہہ حائل رُکاوٹاں نانہہ دور کرگے تسلی بخش کماں غی عمل آوری نانہہ یقینی بنایو جے۔

CS MIGRANT PROPERTY

چیف سیکرٹری اٹل ڈلو نے کل اک میٹنگ غی صدارت کرتا وان یو ٹی غا تمام 10 ضلعان مانہہ جموں کشمیر مائگرنٹ غیر منقولہ جائیداد غا تحفظ گا قانون سال 1997 غے تحت کشمیر مائگرنٹاں غی طرفوں دائر کی گئی شکائیتاں گو جائیزو لیو ہے۔

چیف سیکرٹری نے اس خاطر ڈویژنل تے ضلع انتظامیہ نانہہ ہدایت کی ہے جے ہر شکایت غو معیار غی بُنیاد ور مقررہ مدت غے اندر اندر ازالو کیو جے۔ اُنہاں نے لما عرصہ تیں بقایا ایسی شکائیتاں غا جلد نبیڑا غی خاص ہدایت کی۔ اُنہاں نے زور پایو جے ایسی ہر شکایت غا مکمل طور ور مطالعہ تیں بعد معاملہ گا ازالہ گو استحقاق غی بُنیاد ور نبیڑو کیو جے۔ تانجے جائیداد مالکاں غی ان شکایتاں غو تسلی بخش حل کڈیو جاسکے۔

IGP JMU FOOT PATROL

جموں زون گا انسپکٹر جنرل پولیس تیجیندر سنگھ نے کل جموں شہر غا شمالی علاقہ غو ڈی آئی جی جموں سامبہ کٹھوعہ رینج ، شری دھر پاتل تے ایس ایس پی جموں جوگیندر سنگھ غے ہمراہ دورو لایو۔ سنٹر پولیس افسراں نے علاقہ مانہہ امن و قانون غی صورتحال گو بزات خود جائیزو لیو۔ اس گشت غے دوران اُنہاں نے مقامی بسنیکاں سنگ گل بات غے دوران عوامی تحفظ غے متعلق تشویشاں غو پتو لایو۔ پیدل گشت غو مقصد پولیس مشاہدہ تے عوامی اعتماد مانہہ زمینی سطح ور بابدو کرنو ہے۔ اس موقع ور اُنہاں نے متعلقہ پولیس عہدیداراں نانہہ ہدایت کی ہے جے علاقہ ور زیادہ توں زیادہ نگرانی رکھی جے۔

JANMASHTAMI PREP

جنم اشٹمی غی تقریبات تیں پہلاں جموں گا بازاراں مانہہ تہوار غی رونق بدھ گئی ہے۔ دکاناں مانہہ لوکاں غی خاصی بھڑ دیکھی جارئی ہے۔ لوک بھگوان کرشن غی مورتیاں ، روایتی لباس ، سجاوٹ غو سامان ، مٹھائی تے پوجا غا دیگر ضروری سامان خرید رہیا ہیں بازاراں نانہہ وی سجاو گئیو ہے ، جس تیں ہر طرف تہوار غو ماحول نظر آرہیو ہے۔ دوجی جانب جنم اشٹمی تیں پہلاں، ادھمپور ضلع انتظامیہ نے ممنوعہ مصنوعی نائلون تے شیشہ سنگ لپٹی وی پتنگ گا تاگا ، جنہاں نانہہ عام طور ور چائنیز تاگو یا پکو تاگو کہیو جے ، اس غی فروخت تے زخیرہ کرن غے خلاف کاروائی تیز کردتی ہے۔
